

مجموعه سنون

از

جمعیت علمیه عثمانیه

ایکنجی سنده

نومرو ۲۲

شوال

استانبول

جمعیت علمیه عثمانیه مطبعه سنده طبع اولنشدز

۱۲۸۰



(تاریخ حکمای یونان) (ما بعد نومرو ۱۹)

پ ی ا س

پ ی ا س پیتاقوسک معاصری اولوب هالیات و قریزوسک هنکام
حکومتلرنده صاروخان طرفارنده ظهور ایتیش و فی الاصل
صامسونلی اولوب قرقچی ارلییاددن حین وفاتده قدر یونانستانده
کسب اشتهار ایلشدر . غایت اهل عفت و استقامت و امور سیاسیده
صاحب مهارت ایدی . کندوسی حسب الوراثه اغنیادن اولدیغی حالده
از شبیه قساعت ایدوب بقیه وارداتی فقرا و محتاجینه بذل
و اعطا و عصرینک افصح خطبایسندن اولوب بویولده اولان
مهارتی ارباب فقر و ضرورتک و علی العموم دوچار فلاکت اولنلرک
اصلاح حالری امرنده اجرا ایدرایدی . شوفداکارلقارضمنده برکونه
منفعت ذاتیه تصور ایتیوب بوزلی مجرد وطنه خدمت ایتک مقصدیه
اختیار ایدرایدی . قاعده حقانیتیه موافق اولدیغی جزم
ایتمدیکجه هیچ برامره تشبیه ایتیر ایدی . شومسلاک ممدوحی
بتون یونانستانده ضرب مثل اولوب بر دعوانک حق و عدل اولدیغی
تصدیق معروضده . پ ی ا س دخی بوقدعانک اثباتی درعهده ایدر

و بر خطیبك شناسنده اطرا اولمقی استند کده بیاسدن ایو اداره
کلام و افاده مرام ایلر دینور ایدی .

بر دفعه مورهده واقع ماورومانی شهری جوارنده بعضی دکر خسری
بر قاج قرطوتوب صائمق اوزره صامسونه کتوردیلر . بیاس بونلری
اشترا ایدوب خانه سندن کتوردی و کندو اولادی کبی انلری اطعام
و بعضی هدایا دخی اعطاسیله اکرام ایتدکن صکره خانه لرینه اعاده
واعزام ایلدی . اشبو حرکت قوتکارانه سی بر قادهها حسن صبتی
موجب اولوب حتی بر چوق خلق کندوسند ملک العقلا عنواتی
اعطایلدی .

بر مدت صکره ماورومانی با القجاری بر یوک بالفک قارنده بر التون
کاسه بولوب بونک اوزرنده (اغقل ناسه اعطاولند) عباره سی
قازمش اولدیغندن اشبو کاسدن کیمه ویرلمسی اقتضایده جکفی
تذکر ایتمک اوزره شهر مذکور اعیانی عقد مجلس ایلد کده
وجه مشروح اوزره بیاسک لطف وانسانیتنی کورمش اولان
قرزل اقر بار یله برابر جمعیت یرینه کله رله جله سی براغزدن بیاس
اغقل ناسدر دیو باغرشیدیلر . حضار سائر نک دخی رأیلری
بومر کزده اولدیغندن سالف الذکر کاسه بیاسه اهدا قلندی .
بیاس کاسه یه نظر ایدوب اوزرنده کی یازوی کورد کده قبولندن
امتناع ایله بو عتوان انجیق اولزمان اعتقاد نیجه آله حکمت اولان
آپولونه لایق قدر دیدی .
بهضارینک قولنه کوزه اشبو کاسه تالپسک ترجمه عالنده مندرج
سایح ایاقدن عبارت اولوب بو روایت مجرد مذکور سایح ایاق

بیاسه دخی کوندلش اولمشدن نشأت ایتشدزحتی بعضلر ساج ایاخلک
الک اول بیاسه کوندلش اولدیغنی روایت ایلشدر.

صاروخان حکمداری بولسان سالف الذکر هالیات اسبیاده واقع
یونانستان ممالکندن برقاج شهری ضبط و تخریب ایتدکدن صکره
کلوب صامسونی دخی حصر و تضییق ایلدی. اول ائنده بیاس شهر
مذکورک رئیس قضاتی اولوب برخیلی مدت شجیعانه مقاومت
اولمش ایسه ده هالیات شو تشبیده اصرار و عناد ایلدیکی
اکلاشلدیغندن و حالبوکه شدت خط مناسبتله اهالی شهر زیاده
مضایقه واضطرا به دوچار اولدیغندن بیاس ایکی رأس اعلا
قاپری ایوجه بسلدوب تمام سموز اولدقلرنده کویالارندن قاچش کی
دشمن اردوسی طرفه سوق ایلدی. هالیات اشبو حیوانلرک بودرجه
سموزلکندن متعجب اوله رق شهرک خط واسطه سیله اخذی ممکن
اوله میه جغندن خوف ایلدی و برجهانه ایله شهره برآدم کوندروب
محصورینک نه حالده اولدقلرینک تحقیقنی خفیا بوکاتنبیه ایلدی.
بیاس حکمدار مشارالیهک شونیتی نفرس ایدرک برطاق قوم یغسلری
اوزرینی براز بغدادی ایله اورتیدردی و بو صورتله ما مورمر قوم
قطعاً اثر حیلله حس ایتیه رک ذخائرک کمال مبدولبتنی مشاهده
ایلدی. هالیات شو حیلله له الدانه رق محاصره بی رفع ایله عقد
مصالحه و صامسونلور ایله اتفاق ایلدی و ملاقات ارزوسیه بیاسی
اردوسنه دعوت ایتدکده مومی الیه اجابتدن استنکاف ایله حکمدار یکره
سویلیکز بن بوراده اوتوررم کندوسی صوغان یسون والی اخرالعر
اغلاسون دیو جواب و یرمشد.

بیاس اشعاردن یک حفظ ایدوب ایکی ییکدن متجاوز ایات نظم

ایتمش و بونلرک ضمنده هر کس نوجهله سعادت حال استحصا
ایده بیله جگنی و وقت صلح و حربده امور جمهورک حسن اداره سی
نصورتله مفسر اوله جفنی تعلیم ایلمشدر . مواظف آتیه بیاسه منسوبدر .
هر کس ایله حسن امتزاجه غیرت ایدیکنز اگر بوکا موفق اولورسه کن
مدت عمر کرده لذا نذ کثیره یه مظهر اولورسکن . بشقه لری حقنده
اظهار اولنان تکبر و استحقارک هیچ بر وقنده فائده سی کورلما مشدر .
دوستلرکزه احتیاط اوزره محبت ایدوب انلرک برکون دشمن اوله بیله
جگنی ملاحظه ایلیکنز . دشمنلرکزه اعتدال اوزره خصوصت ایدیکنز
چونکه انلرک ایاروده دوست اولمق احتمالی واردر .

دوست اتخاذ ایده جگکنز ادملری کمال دقتله انتخاب و بونلرک
جمله سنه ملساویا محبت ایدوب فقط قدر و حیثیتلرینی تمیز
ایلیکنز .

اقتداسی حقکرده موجب شرف اوله جق ذوانک اثرینه اقتفا
ایدیکنز و احب کنر فضائلک حسن صبتکنرجه تأثیرات کلیه سی اولدیغنی
محقق یلیکنز .

لقدی سوبلکنده بحله ایتمیکنر که علامت جشدر . کجملک اثنا سنده
علم و معرفت تحصیلده سعی ایدیکنز چونکه اختیار اولدیکنر وقت بوندن
بشقه الله مدار تسلیمت اوله جق برشی بولمز و دنیا ده بوندن اعلا
قزانیج اولمز الک صاعلم مال بودر کیسه الکزدن نزع ایده مز .
غضب و بحله ایکی شیدر که عقل و حکمته فوق الغایه مفايردر .
اهل عرض آدم پک نادر در فقط اشرا و حجابی حد و حسابدر . وعد
ایندیکنر شیلرک تمامیه انجازنده اصلا تجویز قصور ایتمیکنر و مبودلری
انلرک شان و عظمتلریند لابق صورتده یاد ایدوب موفق اولدیکنر

اعمال صالحان در طولانی و جیبۀ تشکری ایضا ایدیکز.
معجز اولیکز بر شئی قبوله اجبار اولیکز بشقه زنی اعطایه اجبار
ایتمکدن خیر لودر. عهده سندن کله میه جگکز اموره تصدی ایتوب
فقط بر شئی تصمیم ایتدیگکز حالده اقدام و غیرله اجرا ایدیکز.
بر آدمک بشقه جهته لیاقتی اولدیغی حالده مجرد ثروت و غناسی
ایچون مدح و ثناء سندن حذر ایدیکز.

انسان دائمی نیاده هر لحظه اوله جگ و حقوق و قتل و ممر اوله جق کبی
یشاملیدر. صحت و عافیت بدن خالق تعالینک عطایا سندن و ثروت
دخی اکثریا امور اتفاقیه تأثیراتنددر. فقط انسانک کرک کند و سنک
و کرک ابنای وطنک اصلاح حالته دسترس اولسی عقل و حکمت
موقوفدر. امور مستحیله بی آرزوایتک عقله طاری اولان
امراضنددر.

مصل

برکون کند و سنه انسان الک زیاده نه ایله تمسلی اولور دیو سؤال
اولدقدنه امید ایله واک زیاده نه ایله محفوظ اولورل دینلده کسب
ایله دیوب الک زیاده تمسلی مشکل اولان ندر سئواننه دخی اقبالک
ادباره تبدیلدر دیو جواب ویرمشددر.

دوچار اولدیغی فلاکتیه صبر و تحمل ایده میان آدمک بی بخنددر یرایدی.
بیاس برکون بعضی ملحدل ایله بر سفینه ده بولندیغی حالده غایت شدید
برفورطنه ظهور ایدوب کبی همان غرق اولاق درجه سنه کلدی.
ذکر اولان ملحدل خوفی هلاک ایله درگاه الهی یه مناجاته باشلادیار.
بیاس شو حال کوردکده امان صوصکن الهلر سنلک بوراده
اولدیگکزی بتلر و نلر زراجه مز غرق و تلف اولورل دیدی.

برکره دخی بر ملحد الهلر توجهله عبادت اولنسی اقتضا ایده جگنی

کند و سندن سه سوال ایتد کده جواب ویر میبوی ملحد مرقوم
نیچون سکوت ایتدیکز دیمکله سنجیه لازم اولمیان شیئی سه سوال
ایتدیکک ایچون دیمشدر .

ایکی دوست بینده اولان دعوائی رؤیتدن ایسه ایکی دشمن بینده
اولان دعوائی رؤیت ایتدیککی ترجیح ایدرم . چونکه علیه حکم
ترتب ایدن دوست ایله اکثریا بوز شفق و حالبوکه حقی چیقان دشمن
ایله بار شفق احتمالی درکاردر دیر ایدی .

بیاس برکون حسب الوظیفه احباسبندن قتل ایله مجازات اولنسی
افضا ایده جک برادمک اجرای محاکمه سننه مأمور اولدیغندن
حکمی تفوه ایتدکسرتین علی ملا الناس اغلامغه باشلادی .
حضاردن بریسی نیچون اغله یورسکر اعدام و تخلیصی سزک رایکزه
محولدر دیمکله طبیعت بنی بیمارکان حقنده رحم و شفقت سوق ایدوب
قانون ایسه طبیعتک شومطالبی اصغایه رخصت ویرمیدیکی ایچون
اغله یورم دیو جواب ویردی .

بیاس مساعده طالعده مر بوط اولان شیاری قتل و کتعات
حقیقه دن عد ایتدوب ثروت بالسهوله ترکی ممکن اولان اکلیجه
قیلندند و اکثریا انسانی طریق مستقیمدن چیقارمقدن بشقه
فائده سی کورلمز دیر ایدی .

بیاس مسقط رأسی اولان صاعسون شهرینک حین استیلا سنده
بالصاف اوراده بولنوب بالجمله اهالی مقتدر اولدقاری قدر
اشیا الهرق مأمن عد ایتدککری محالده فرا ایدرل ایدی .
بیاس وطنک دوچار اولدیغی فلاکتدن کویا هیچ متأثر اولماش
کی شوهرج و مرج اثنا سنده کمال سکونتله طور ایدی . بو

صرده برینی کدوسنه خطابا نیچون سزده بشقداری کپی
برشی قورتارمغه چالشیمورسکز دیدکده اوت بنده انلرکپی یاپیورم
فقط بتم کافه ماملکم اوزرمده در دیو جواب ویردی .

یاسک اختتام ایام حیاتی مستبع اولان وقعده دخی احوال
سائره سی قدرحقنده موجب شرف اوله جق مواددند رشویله که
برکون سناتو مجلسنه کیدوب اوراده احباسندن بریسنک ترویج
مدعاسی ضمننده وکالت صورتیله خطابات ایلدی وکدوسی غایت
مسن اولدیغندن یورغنلق کلوب باشی رفاقتنده بولسان کریمه
زاده سنک کوکسند طیارمش ایدی . خصمی طرفنک وکیلی دخی ختم کلام
ایتدکده اعضای مجلس ییاس طرفی لهسننده حکم ایدوب بونی
متعاقب مومی ایددخی همان اوراجقده تسلیم روح ایلدی .

بتون شهر اهلایسی جنازه سننده حاضر بولندرق وفاتندن طولایی
کمال حزن واسف اظهار ایتدیلر وکندوسیچون غایت مکلف برمرزار
انشاسیله اوزرینه کلمات آتیدی حک ایتدیردیلر .

ییاس فی کل صامسونلی اولوب بروقت بتون یونانستانک زینتی وسائر
فیلسوفلردن زیاده افکارعالیه صاحبی ایدی .

بعد الوفاء کمال حرمت و توقیر ایله یاد اولوب احیای نامیچون
مخصوص برمعبد انشاسا اولندرق صامسون اهلایسی اوراده کندوسنه
فوالعاده مراسم تعظیمه اجرا ایدرلر ایدی .

(منیف)